

amans, addiscat inde, præparationis dexteritatem pauperum quoque inopiam subleuare: vt si quem pium artificem inuenerint, longè minori impensâ salutis suæ & integræ valetudini sint consulturi. Innotuit hæctenus remediorum simplicium dissolutionem non solum possibilem, sed & cum magna medicæ utilitatis spe, omni metu persuasi periculi iure deposito, coniunctam esse. Reliquum est vt internarum caussarum serie absoluta, externarum Efficientis & Finis considerationem aggrediamur.



CAPVT XII.

*Chymia finis duplex: Internus, remedium est:
Externus, remedij vsus. Vterq; Medicinæ propositus.*

a. Post. a=
nalit. 69.

DE FINE Chymia dicturi, illud Auerrois in memoriam vocamus: Disciplinas inter se diuersas, eandem rem, diuerso considerandi modo & fine contemplari. In metallorum

rum